

ducati 100, però sia preso che de li ducati 31 si paga da la camera a' ditti Leoni paghi il fito di ducati 24 al predito Anzolo, *ut in parte*. Ave 148, 8, 1.

340 Fo scritto eri, per Colegio, a li rectori di Brexa, atento l'oferta fata per Julio dal Cornato, dil lago de Ise, qual si ha oferto dar homeni di quel lago per armar una galia e andar lui soracomito et fo acetada, però debano sollicitarlo a mandar li ditti homeni de qui per il bisogno si ha di far l'armata.

Item, fo scritto a Sebastian di Paxe rasonato, qual per il Colegio fo mandato in Romagna e la Marcha a catar zurme per armar le galie; *unde* havendo la Signoria nostra mediante l'Orator nostro auto do brevii dil Papa, drizati uno al presidente di Romagna, l'altro al vicelegato di la Marcha che li comanda lassi trar li ditti homeni per il bisogno di l'armata; pertanto lui apresenterà ditti brevi toleno favor di loro.

In questo zorno, fo scritto ad Alvixe Marin secretario nostro a Milan, in favor dil magnifico domino Petro Antonio Bataja colateral zeneral nostro, atento la contesa di Caiaza lo molesta per letere ottenute dal Senato regio di Milan di aver ducati 9600 per li usifruitti ave il dito Colateral sopra la corte di Monte Colero, che per la Signoria li fo data a tempo la Signoria dominava Cremona; pertanto parli a monsignor di Telegni di non tratar tal cosse etc.

Fo scritto a sier Agustin da Mula podestà et capitano di Ruigo, atento l'orator di Ferrara è comparso a la Signoria per la parte posta tutti apresenti li soi privilegii per le cosse galdeno sopra il Polesene, et per domino Guido, domina Leona, domina Zenevre e domina Antonella di Strozi, come heriede dil qu. Carlo successor dil qu. missier Naro di Strozi. *Item*, li comessi dil conte Rinaldo dil Sacrato et Marascaleo, quali dicono haver exention et privilegj, Zuan Batista de la Stela come successor di Zuan, però li vedino e termini etc.

Fo scritto al re di Tunis che alcuni nostri mercedanti, stati de li, et venduto robe a' mori e soa signoria, quella, ni quelli li ha voluti pagar, ch'è contra quello si rimase con l'ambasador suo fo de qui; per tanto lo pregemo vuy far satisfar el prefato debito.

Fo scritto a sier Francesco Contarini capitano di le galie di Barbaria, in risposta di sue zercha li mori sono in galia, se dia lassar smontar con le sue robe non essendo satisfati li nostri mercedanti, però li dicemo, zonto el sii a Tunis parli al Re vogli satisfar, e non volendo, retegni li beni di mori in galia.

Fo scritto, per Colegio, a li rectori di Padoa, so-

licitando molto il mandar de qui li homeni de li casteli et ville per lo armar etc., numero 120.

Fo scritto a di 10 a Brexa, quel Julio di lago de Ise dagi sovenzion a li homeni condurà, et lui vadi Soracomito.

Questi sono avisi auti dil Baylo et capitano 340 di Corphù e Consieri, de 19. Mazo, mandati a li principi christiani.*

Come allora era capitato in quel canal de Corphù uno brigantino expedito dal Gran maistro di Rodi a di 9 dil ditto mese di Mazo, per andar in reame di Napoli et desmontar in terra et a la dretura trasferirse al Pontifice, per significarli che l'arma turchea era fuori, *videlicet* vele 60 a Metelino, et lo residuo, fino a la summa di 300 vele, dovea ussir fata questa luna de Mazo, qual armata era per andar a la impresa di Rodi; et che al Fisco, ch'è loco per mezzo Rodi in terra ferma, erano zonti 9 sanzachi con gran numero di zente. Essi dil brigantin haver in commission dal Gran maistro, che fata tal relation al Summo Pontefice, doveano sequir el loro viazo et dar la medema notitia a Franza et Spagna et tutti li signori christiani.

Il medemo scrive sier Sebastian Contarini provedador dil Zante, per *letere di 17 Mazo*, dove gionse ditto bregantin da Rodi in ditto giorno, et havea referito il medemo, et de più che dite gente adunate al Fisco facevano tagiar gran quantità di legnami, et che per la Morea se divulgava dita armata andar a Rodi.

Scurtinio di tre sopra il reveder di le fabriche 341 di Padoa, justa la parte alias presa.

1 †	Sier Hironimo da cha' da Pesaro, fo capitano a Padoa, qu. sier Benedetto provedador	114. 53
3 †	Sier Andrea Trivisan el cavalier, fo capitano a Padoa	153. 22
6 †	Sier Daniel di Renier, el savio dil Consejo, qu. sier Constantin	92. 85
4	Sier Luca Trun, fo savio dil Consejo, qu. sier Antonio	89. 89
5	Sier Alvise Mocenigo el cavalier, Consier, qu. sier Tomà	68.106
7	Sier Domenego Contarini, fo capitano a Padoa, qu. sier Maffio	89. 82
2	Sier Marco Antonio Loredan, fo capitano a Padoa, qu. sier Zorzi	69.105